

Sakspapir

Saksnr	Utvalg	Type	Dato
090/21	Kommunestyret	PS	16.12.2021

Saksbehandler	Arkiv	ArkivsakID
Ketil Tjore	FE-033	21/1314

Orienteringssak

Framlegg til vedtak:

Kommunestyret - 090/21 - 16.12.2021

KS - behandling:

Kommunedirektør Bjørnar Fjellhaug ønske velkommen den nye kommunalsjefen for oppvekst og kultur, Trine Merete Jansen, som tok til 1. desember. Tidlegare har Jansen vore rektor ved Sæbø skule i Alver, og før det avdelingsleiar ved ein skule i Bergen, som lærar og innan PPT.

Kommunalsjef helse og omsorg, Monika Kvamme, orienterte om Korona-situasjonen.

- Omikron-viruset, som er meir smittsam, gjer at situasjonen er uavklart.
- Tiltak er meir avstand, munnbind, avgrensa nærkontaktar, heimekontor med meir.
- Mykje arbeid med Korona for kommunen.
- Har starta vaksinerings på nye måtar med Drop-in.
- Er no på vaksinerings i gruppa 45 til 65 år, samt helsepersonell og dei som jobbar i skule og barnehage.
- Har rundt 450 dosar til bruk i dag 16/12, får 660 dosar til tysdag. Vaksine er rekna for å ha best effekt.
- Har samkjørt karantenereglar mellom Omikron og Delta-viruset.
- Hurtigtestar er eit knappheitsgode, og kommunen er pålagt å vera restriktive med utdelinga av desse.
- Er i gang med beredskapsleilegheit for dei som treng hjelp med ein plass å vera i karantene/isolasjon.
- Helsepersonell kan sleppa karantene og gå på jobb med testing, men må vera i fritidskarantene.
- Helse Bergen melder at det er krevjande situasjon, for testing og analyse av testar

Monika Thorpe (Ap) spurte om beredskapsleilegheit er den i Sætre marka 46. Kvamme svara at det er denne, samt at ein sjekkar med Kilstraumen om dei kan hjelpa med leilegheiter. Alver kommune sitt tilbod til desse er på til Fjordslottet på Osterøy.

Kommunalsjef oppvekst og kultur, Trine Merete Jansen, orienterte om tiltak i barnehage og skule.

- Ikkje høge smittetal i Austrheim.
- Det er no gult nivå etter trafikklysmodellen.
- Har tett dialog og har sett på beredskapsplanen som ligg, var klar til gult nivå då beskjeden kom.
- I barnehagane er det utfordrande med bemanninga, med mykje forkjøling som går og fleire som er heime med symptom på grunn av Korona.
- Har sett på kva som er kritisk låg bemanning i barnehage og skule. Uavhengig av trafikklys så må bemanninga vera tilstrekkeleg til at det er trygt for barna, at ein kan følgja smittevernsreglar og at ein kan følgja HMS-reglar.
- Skulane melder at bemanninga er knapp, men dette har ein klart før og skal klara no også. Får litt pause rundt jul.
- Barnehagane har litt redusert barnetal i romjula, det vil hjelpa noko.
- I Alver er situasjonen annleis, men dei har heilt andre smittetal. Her i Austrheim har ein vurdert at ein har godt system for dette, og følgjer smittevernråd og tiltak. Må evt. vurdere på nytt dersom det kjem eit utbrot. Er klare til å gå til raudt nivå dersom det er naudsynt.
- For barn er det vurdert at det er best å vera på skule og i barnehage.
- Har justert opningstid barnehagar på grunn av bemanninga og press der, men dei med grunnlag i arbeid som er samfunnskritisk får tilbod om vanleg opningstid.

Kommunedirektør Bjørnar Fjellhaug sa om skulane at ved ei nedstenging utan smitteutbrot må skuledagar takast igjen. Slik situasjonen er i dag ser ikkje kommunedirektøren at ein skal stenga skulane, men situasjonen kan endra seg i dag eller i morgon.

Kommunalsjef Monika Kvamme sa at Statsforvaltar har presisert at det er smittevernoverlegen som kan stenga skulane, ikkje skuleeigar åleine.

Kommunalsjef Trine Merete Jansen sa at dei kommunane som har valt å stenga må ta att desse dagane, og ein må ha ei god vurdering i botnen. Om ein følgjer retningslinjene så skal dette gå bra.

Økonomi- og personalsjef Odd Harald Dommersnes, og einingsleiar teknisk drift Rolf Henning Myrmel orienterte om avvik ved heisane på Kystbarnehagen og Nordliheimen. Dette er noko som må utbetrast, eller så må heisane stengast.

Avvik på våre personheisar i Kystbarnehagen og på Nordliheimen

- Det er nå gjennomført kontroll på våre personheisar og det er funne avvik som vil bli monaleg å få utbetra.
- Kystbarnehagen.
 - 1 avvik som medføre fare for persontryggleiken, må utbetrast
 - 3 avvik som kan medføre fare for persontryggleiken, må utbetrast.

Vi har mottatt tilbod for å lukka desse avvik til pris 90 000,- kroner. Forslag om at dette blir tatt av det ordinære vedlikehaldsbudsjettet

- Nordliheimen. Her må der gjennomførast ei større utbetring, som inkl. flg.
 - Ny moderne styring av heisen

- Nye knappar og tablå
 - Heildekkande fotocellefelt på innerdører (og risikovurdering for å unngå kravet om innerdør)
 - Utskiftning av håndpumpe på aggregat (denne er veldig slitt)
 - Komplette nye moderne heisalarm (her kommer de nye krav til alarm, da gammel teknologi blir avvirket av teleselskapene)
- Vi har mottatt tilbud for å oppdatere heisen på 495.000 kroner. Forslaget er at deler av midlane som var satt av til å oppgradere VA på Vestlia blir nytta til dette, slik at vi unngår at heisen i Norliheimen vert stengt.

Odd Harald Dommersnes sa at det no er oppe i fem millionar brukt i 2021 på etterslep på vedlikehald. Har hatt fleire slike ting, mellom anna idrettshallen der ein måtte bruka 500.000 for å unngå stenging.

Framlegget er å ta 500.000 frå prosjekt ny kloakk Vestlia, eit prosjekt som ikkje er starta opp enno. Kan finna nye midlar til det når det prosjektet kjem i gang. Ann Kristin Leirvåg (Ap) sa at det viktig at dette arbeidet på Vestlia vert utført.

Helge Dyrkolbotn (KrF) spurte om ein kan få inn fleire tilbud på arbeidet.

- Rolf Henning Myrmel svara at ein kan henta inn prisar frå andre, men at det nok vil enda på dette nivået.
- Ny heis på Nordliheimen vil kosta betydeleg mykje meir enn denne oppgraderinga. Rapporten som føreligg seier at usikkerheitsmomentet er heismotoren, resten er heisen er av god kvalitet, og Nordliheimen får ei fullgod oppgradering av heisen med dette tilbudet. Ny motor kan kosta rundt 100.000.
- Odd Harald Dommersnes sa at kommunen skal sjølvstøtt følgja reglar for anskaffingar. Under 100.000 treng ein ikkje bruka anbod, men på Nordliheimen må ein henta pris frå 3 tilbydarar.
- Kommunalsjef Monika Kvamme sa at denne heisen vert brukt til transport for reinhald og varer, og at det er veldig vanskeleg å driva om ein ikkje har heis.

Spørsmål til orienteringane:

Reidar Øksnes (Sp) spurte om finansiering av heis-prosjekt skal gjerast i samband med budsjettjustering 2021. Odd Harald Dommersnes svara at det vert nytta av den avsette potten til Vestlia, og så må ein styrka potten til Vestlia igjen ved årsavslutninga.

Reidar Øksnes (Sp) ba om at teknisk vedlikehald og vedlikehald generelt vert eige emne i kommunestyret. Kommunen har ein del gammalt utstyr. Ordførar Per Lerøy svara at det hadde vore bra med eit klart bilde av korleis den tekniske tilstanden er.

Kommunedirektør Bjørnar Fjellhaug svara at ein skal laga økonomiplan for dei neste fire åra, og i samband med dette kartlegga kostnader til vedlikehald, og kva som må gå på drift eller kan tas som investeringar. Kan ikkje årleg ta oppdukkande ting på fem millionar i løpet av året.

Monika Thorpe (Ap) spurte om ein kan bruka av årets overskot til heisprosjekt, heller enn å ta i bruk det som er sett av til Vestlia. Her sa Odd Harald Dommersnes at straumrekningane som kjem inn kjem til å verta betydelege, og åtvare mot å ta av overskot/mindreforbruk.

Handsaming i kommunestyret:

Samrøystes for kommunedirektøren sitt framlegg til vedtak.
(16 stemmer, Jan Erik Espelid frå Bygdelista var ikkje på plass)
(I denne saka var Hege Ramsland vara for Aslak Andre Bakke)

KS - vedtak:

Orienteringane vert teke til vitande.

Saksopplysninger: